



善本留真譜

上冊

特別  
11  
2068  
1





イ  
2068  
1





宋刻南藏大般若波羅密經

清淨集滅道聖諦清淨即補特伽羅清淨何以故是補特伽羅清淨與集滅道聖諦清淨無二無二分無別無斷故善現補特伽羅清淨即四靜慮清淨四靜慮清淨即補特伽羅清淨何以故是補特伽羅清淨與四靜慮清淨無二無二分無別無斷故補特伽羅清淨

即四無量四無色定清淨四無量四無色定清淨即補特伽羅清淨何以故是補特伽羅清淨與四無量四無色定清淨無二無二分無別無斷故善現補特伽羅清淨即八解脫清淨八解脫清淨即補特伽羅清淨何以故是補特伽羅清淨與八解脫清淨無二無二分

分無別無斷故補特伽羅清淨即八勝處九次第定十遍處清淨八勝處九次第定十遍處清淨即補特伽羅清淨何以故是補特伽羅清淨與八勝處九次第定十遍處清淨無二無二分無別無斷故善現補特伽羅清淨即四念住清淨四念住清淨即補特伽羅清淨何以故是補特伽羅清淨與四念住清淨無二無二分無別無斷故補特伽羅清淨即四正斷四神足五根五力七等覺支八聖道支清淨四正斷乃至八聖道支清淨即補特伽羅清淨何以故是補特伽羅清淨與四正斷乃至八聖道支清淨無二無二分無別無



元至正間刻磧砂藏優婆塞戒經

與我為伴發是念已。是時二禪有諸衆生薄福命盡業因緣故。便來生此。是人見已。心生歡喜。即自念言。如是人者。我所化生。即是我作我於彼人。有自在力。彼人亦念我從彼生。彼化作我。彼於我身。有自在力。以是因緣。一切衆生生我見想。

善男子。陰界入等衆生。世界國土。世界皆是十業因緣。而有善男子菩薩二種。一者在家。二者出家。出家菩薩能觀如是十業道者。是不為難。在家觀者。是乃為難。何以故。在家之人。多惡因緣所纏繞故。

優婆塞戒經彙提波羅蜜品第二十五

善生言。世尊。佛先已說。檀波羅蜜。尸波羅蜜。菩薩云何而得修習忍波羅蜜。佛言。善男子。忍有二種。一者世忍。二者出世忍。能忍飢渴寒熱苦樂。是名世忍。能忍信戒施聞智慧正見無謬。忍佛法僧罵詈搥打惡口惡事貪瞋癡等。悉能忍之。能忍難忍。難作能作。名出世忍。善男子。菩薩若值他人打罵輕賤毀訾惡口罵詈。是時內心無加報想。菩薩雖作如是忍事。不為現在。但為後利。有善報之惡。則不及善男子。有是忍辱。非波羅蜜。有波羅蜜。非是忍辱。有是忍辱。是波羅蜜。有非忍辱。非波羅蜜。是忍辱。非是波羅蜜。者。所謂世忍聲聞。



明正統間內府刻書集傳

其本經口以傳授漢書乃言初亦壁藏而後  
亡數十篇其說與此序不同蓋傳聞異辭爾  
至於篇數亦復不同者伏生本但有堯典臯  
陶謨禹貢甘誓湯誓盤庚高宗彤日西伯戡  
黎微子牧誓洪範金縢大誥康誥酒誥梓材  
召誥洛誥多方多士立政無逸君奭顧命呂  
刑文侯之命費誓秦誓凡二十八篇今加秦  
誓一篇故為二十九篇耳其秦誓真偽之說  
詳見本篇此釋音校胡教反濟子禮反過古  
未暇論也釋音校胡教反濟子禮反過古  
僅傳柱戀反治澄之反下同太常掌宗廟  
也傳禮儀秦名奉常漢景帝更名太常掌故  
晁錯傳註掌故百石吏主故事也晁錯音潮  
措漢文帝時人衛宏字敬仲東海人作古文  
尚書訓旨先武時為議郎屬音燭馬鄭後漢  
馬融字季長扶風人鄭玄字康成北海人唐

藝文志古文尚書馬融傳十卷鄭玄註九卷  
孔穎達字仲達孔子三十二世孫唐太宗時  
為國子司業承詔作五經註疏至魯共王  
名曰正義復扶又反見形向反至魯共王  
好治宮室壞孔子舊宅以廣其居  
於壁中得先人所藏古文虞夏商  
周之書及傳論語孝經皆科斗文  
字王又升孔子堂間金石絲竹之  
音乃不壞宅悉以書還孔氏科斗  
書廢已久時人無能知者以所聞



明正德間刻大學衍義補

必合之。三品以上金飾袋。咸亨三年五品以上改賜新魚袋。並飾以銀。三品以上各賜金裝刀子礪石一具。武后時都督刺史亦準京官帶魚袋。又改佩魚皆為龜。尋復舊。開元以後百官賞緋紫必兼魚袋。謂之章服。

臣按此有唐一代章服之制。所謂金紫者。金謂魚袋之飾。紫謂衣也。與漢所謂金紫名同而實異矣。

宣宗重惜服章。有司具緋紫衣數襲。從行以備賜。或半歲不用。其當時以緋紫為榮。

臣按唐自中葉以後。品服太濫。每朝會朱紫滿庭。而少衣綠者。當時視金紫如韋布。宣宗稍加重惜。人遂以為榮。蓋朝廷之所以尊。而天下之人所以奔走而趨赴之者。求名與器也。朝廷章服乃名器之所寓。人君必自貴。然後人貴之。人可得則不足貴矣。

宋志朝服。一曰進賢冠。二曰貂蟬冠。三曰獬豸冠。皆朱衣朱裳。進賢五梁冠。一品。二品侍祠朝會則服之。中書門下則冠加籠巾貂蟬。諸司三品御史臺四品兩省五品侍祠朝會則服之。御史大夫中丞則冠有



明嘉靖間刻藝文類聚

藝文類聚卷第十

儲官部 儲官 太子妃 附 公主

儲官

周易曰黃離元吉象曰明兩作離大人以繼明照于四方 尚書曰惟四月太子發上祭于畢下至於盟津之上乃告司馬司徒司空 又曰太子發升于舟中流白魚入于舟王跪取出俟以燎羣公咸曰休哉 尚書大傳曰天子太子年十八日受侯孟侯者於四方諸侯來朝迎於郊者問其所不知也 尚書洪範五行傳曰心之大星天皇也其前星太子也後星庶子也 禮記曰王太子王子羣后之太子卿大夫元士之適子凡入學以齒 又曰文王之為世子朝於王季日三雞初鳴而衣服至於寢門外問內豎之御者曰今日安否何如內豎曰安文王乃喜及日中又至亦如之及暮又至亦如之其有不安則內豎以告文王文王色憂行不能正履王季復膳然後亦復初食上必在視寒燠之節 又曰國君世子生告于君接以太牢宰掌具 又曰行一物而三善皆得者唯世子而已其齒於

藝文卷六

學之謂其一知父子之禮其二知君臣之義其三知長幼之節故學之父  
子焉君臣焉長幼焉一人元良萬國以貞世子之謂也 左傳曰九月丁卯子同生以太子之禮舉之接以太牢士負之士妻食之公與文姜宗婦命之 白虎通曰天子之太子諸侯之世子皆就於外者尊師重先王之道也故曲禮曰禮聞來學不聞往教也 賈誼書曰文王使太公望傅太子發嗜鮑魚公不與曰鮑魚不登俎豈有非禮而可養太子哉 春秋外傳曰靈王二十二年穀洛龍鬪將毀王宮王欲遷之太子晉諫曰晉聞古之長民者不隳山不崇藪不防川不竭澤靈王不從 又曰師曠見太子晉曰吾聞太子之語高於太山願聞一言太子曰吾聞太師之來喜而又懼汝知人年長短吉凶也師曠曰君色赤君聲清火色不壽太子曰然却後三年吾上賓于帝汝慎無言殃將及汝太子時年十五後三年而卒 史記曰厲王出奔彘太子靜匿召公之家國人聞乃圍之召公以其子以代太子太子得脫召周公周二相行政號曰共和十四年厲王死太子靜長於召公家二相乃共立之是為宣王也 又曰上欲廢太子立趙王如



明中期刻大明會典

二名。或四名看管。順天府及二縣。拘集各行  
依時估計物貨價直。照舊折收鈔貫。仍造冊  
二本。一本發都稅司。一本送部查考。巡視塌  
房御史。務禁管店小脚。不得攬納客商課程。  
以不堪鈔抵數送官。及邀截客貨。齷害商人。  
其收稅則例。上等羅段。每疋稅鈔二十五貫。  
牙錢鈔二十五貫。塌房鈔二十五貫。中等羅  
段。每疋稅鈔一十五貫。牙錢鈔一十五貫。塌  
房鈔一十五貫。下等羅段。每疋稅鈔一十貫。  
牙錢鈔一十貫。塌房鈔一十貫。上等紗綾錦  
每疋。青紅紙。每一千張。篋子。每一千箇。稅鈔  
六貫七百文。牙錢鈔六貫七百文。塌房鈔六  
貫七百文。中等紗綾錦。每疋。細羊羔皮襖。每  
領。黃牛真皮。每張。扇骨。每一千把。稅鈔五貫。  
牙錢鈔五貫。塌房鈔五貫。青三梭布。每疋。紅  
油紙。每八千張。冥衣紙。每四千張。鐵鍋。每套  
四口。藤黃。每斤。稅鈔四貫。牙錢鈔四貫。塌房  
鈔四貫。褐子。綿紬。每疋。毛皮襖。氈衫。每領。乾  
鹿。每箇。稅鈔三貫四百文。牙錢鈔二貫四百  
文。塌房鈔三貫四百文。官絹。官三梭布。每疋。



明嘉靖二十五年刻分類補注李太白詩

腸斷續不以千里遙中駕來相招中逢元丹

丘登嶺宴碧霄對酒忽思我長嘯臨清颺賢齊

曰鄂州有黃鶴樓因黃鶴山以名相傳費文

禕得仙駕鶴憩此張景陽詩沈夢結心曲毛

詩亂我心曲世說呂安思嵇康千里命駕楚

詞云臨深水而長嘯士贊曰陸機詩曰長嘯

入飛蹇予未相知茫茫綠雲垂俄然素書及

解此長渴饑策馬望山月途窮造階墀喜茲

一會面若覩瓊樹枝憶君我遠來我歡方速

至開顏酌美酒樂極忽成醉我情既不淺君

意方亦深相知兩相得一顧輕千金且向山

客笑與君論素心齊賢曰離騷審吾法夫前

難也文選審作寔又訓難易之難非寔難之

字古樂府中有尺素書李陵詩思得瓊樹枝

以解長飢渴列女傳鄭子晉者楚成王夫人

成王登臺子晉不顧曰顧與汝千金晉遂行

不顧曹植詩一顧千金重何必珠與璣士贊

曰鮑照詩垂綵綠雲中魏文帝詩策我良馬

又會面安可知陶潛詩綠酒開芳顏世說庾

亮曰老子於此興復不淺顏延之撰陶徵士

誄曰弱不好

弄長實素心

答從弟幼成過西園見贈

李集卷一 共



明嘉靖間世經堂刻弇州山人四部稿

在東方家廟下故非餘子所及也記文宋州將吏為節度使田神功疾愈請禱此猾裨媚驕帥之常亡足恠者第其時有可慨也蓋載縉鴻漸輩方以因果之說聳人主至引阿脩羅帝釋為證每虜至禮佛祈禱退則脩八關齋飯僧報謝將帥體解而世風靡矣嗚呼唐之所以終不復振也有由哉

干祿字碑

余讀顏魯公家廟碑知公世有書學及覽顏秘監干祿字書益信蓋秘監於公為伯父其所辨證偏傍結構雅俗燦然而公於此書尤加意幾無一筆縱緩余故識而藏之以為臨池指南書曰干祿蓋唐以書判取士故耳跋尾句生亦翩翩邯鄲可玩也

臧懷恪碑

臧懷恪碑顏魯公撰并書懷恪再為王峻蕭嵩兵馬使積官右武衛將軍封上蔡縣侯三贈而至工部尚書則以子希讓貴故也兄懷亮至左羽林大將軍懷恪有子七人咸顯而希讓至尚書節度使魯國公碑稱兄弟子姓勛賢間出自天寶距于開元乘朱輪而拖珪組者數百人而唐史不為立傳故聊載之書法偉勁不減家廟茅山而石完不泐尤可喜也金石錄



明崇禎癸酉年刻重鑄脈訣刊誤

舉也哉顯人賁本請正於  
余余忝宗盟輒欣欣嘉其  
慈仁原其巔末於簡端爲  
是篇之證佐云

崑

崇禎癸酉孟夏吉日旦宗人

六題重鑄序四

四

澹石惟效識





明嘉靖二十四年刻宋資治通鑑

侂胄欲去異己以快所私然實京鏜創謀而何澹劉德秀胡紘成之及鏜死三人亦罷侂胄悔前事之乖戾欲稍更改以消中外之議論張孝伯謂侂胄曰不弛黨禁恐後不免報復之禍籍田令陳景思侂胄之姻也亦謂侂胄勿爲己甚侂胄然之於是二月趙汝愚追復資政殿學士黨人見在者徐誼劉光祖陳傅良章穎薛叔似葉適曾三聘項安世范仲黼黃灝詹體仁游仲鵠諸人咸先後復官自便又削薦牘中不係僞學一節俾勿復有言時朱熹沒已逾年周必大留正各已貶秩致仕詔熹以待詔致仕必大復少傅正

宋資治通鑑

卷四十一

十七

復少保 癸巳有商人私持起居郎熊克中興小曆及九朝通畧等書欲渡淮盱眙軍以聞遂命諸道察郡邑書坊所鬻書凡事干國體者悉令毀棄言者因請取禮部員外郎李燾續通鑑長編知龍州王偁東都事畧監都鹽倉李丙丁未錄及通畧語錄家傳等書下史官考訂或有裨於公義即乞存留不許刊行從之 夏五月甲辰朔日有食之 秋八月丙子以表說友同知樞密院事 冬十一月庚戌以陳自強知樞密院事許及之叅知政事 十二月甲申立貴妃楊氏爲皇后后少以姿容選入宮帝即位封婕妤



明萬曆三十九年徐養量刊日涉編

先發疑是經春雪未消

呈我

聞道春還未相識走傍寒梅探消息昨夜東風入

武陽陌頭楊柳黃金色

李白

上樓迎春新春歸暗黃着柳宮漏遲薄薄淡靄弄

野姿寒淥幽風生短絲

李賀

一步寒郊一慘眉望春春色苦來遲東君未必私

桃李只恐梅花謝有時

無賴年年逐酒徒今年不飲興何如醉鄉若有人

名籍但願春風點檢疎

李觀閏正月偶書觀字泰伯

力疾坐青曉時來悲早春轉添愁伴客更覺老隨  
人紅入桃花嫩青歸柳葉新望鄉應未已四海尚

風塵

杜甫

侵凌雪色還萱草漏泄春光有柳條

杜甫

先遣陽和報消息續教啼鳥說來由

白居易

水連芳草江南地煙隔寒梅嶺上春

林逋

初陽弄色明高柳殘雪留寒伴落梅

劉原父

立春

立春火發金囚水休木相







